

花史左編

花史左編卷之三

檣李 仲遵 王路 纂修

花之名目詳卷中可無再置

牡丹花

黃類二種

御衣黃 淡鶯黃

大紅類十八種

大紅舞青霓 石榴紅 金花狀元紅

錦袍紅

曹縣狀元紅

硃砂紅

九蓋珍珠紅

映日紅

大紅西瓜穰

醉胭脂

大紅錦綉毬

羊血紅

大紅碎剪絨

金絲紅

大紅七寶冠

石家紅

小葉大紅

王家大紅

桃紅類二十九種

桃紅舞青霓

壽安紅

桃紅西番頭

壽春紅

大葉桃紅

蓮蕊紅

桃紅西瓜穠

美人紅

皺葉桃紅

西子

梅紅平頭

輕羅紅

桃紅鳳頭

陳州紅

嬌紅樓臺

殿春芳

花紅綉毬

海天霞

出莖紅桃

四面鏡

海雲紅

醉桃僊

醉嬌紅

桃紅線

翠紅粧

淺嬌紅

紫玉

嬌紅

魏紅

粉紅類二十一種

回回粉西施

素鸞嬌

倒暈擅心

醉楊妃

玉兔天香

粉西施

觀音面

玉樓春

粉霞紅

粉嬌娥

醉春容

醉玉樓

合歡花

水紅毬

三學士

赤玉盤

玉芙蓉

西天香

醉西施

肉西施

鶴翎紅

紫類十七種

舞青霓

腰金紫

平頭紫

丁香紫

淡藕絲

徐家紫

紫姑仙

烟籠紫

卽黑紫

葉底紫

紫重樓

瑞香紫

紫綉毬

茄花紫

紫雲芳

駝褐毬

紫羅袍

白類十九種

舞青猊

羊脂玉

無瑕玉

玉重樓

綠邊白

白剪絨

萬卷書

慶天香

水晶毬

玉天仙

蓮香白

青心白

玉綉毬

遲來白

鳳尾白

玉盤盃

金絲白

伏家白

平頭白

青類三種

佛頭青

綠蝴蝶

鴨蛋青

芍藥花

宋劉放揚州芍藥譜三十一種

寇群芳

饗群芳

寶粧成

盡天工

曉粧新

點粧紅

疊香英

積嬌紅

已上皆上品

醉西施

道粧成

菊香瓊

素粧殘

試梅粧

淺粧勻

醉嬌紅

凝香英

石嬌紅

縷金囊

怨春紅

妬鵲黃

蘸金香

試濃妝

已上皆中品

宿妝殷

取次妝

聚香絲

簇紅絲

效殷妝

會三英

合歡芳

擬綉鞦

銀含稜

已上皆下品

孔武仲揚州芍藥譜三十九種

御衣黃

青苗黃

二色黃

樓子尹黃

樓子絳

州子苗

峽石黃

樓子圓黃

鮑家黃

石壕黃

揚家黃

袁黃冠子

龜地紅

黃樓子

黃絲頭

壽州青苗

道士黃

白纈子

金繫腰

金線樓子

沔池紅

紅纈子

玉逍遙

青苗旋心

紅樓子

緋子紅

胡家纈

楊花冠子

二色紅

髻子紅

蓬頭緋

茅山冠子

湖纈子

柳浦冠子

軟條冠子

當州冠子

多葉鞍子

多葉紹熙

茅山紫樓子

廣陵志芍藥三十二種

御愛黃

御衣黃

玉盤盃

玉逍遙

紅都勝

紫都勝

黃都勝

觀音紅

包金紫

黃樓子

白樓子

尹家黃

黃壽春

出群芳

蓮花紅

瑞蓮紅

霓裳紅

柳浦紅

芳山紅

延州紅

綵蓋紅

玉板纈

玉冠子

紅冠子

紫餚盤

小紫毬

鎮淮南

倚欄嬌

粉綠子

紅旋心

單緋

玉樓子

蘭花

建蘭

興蘭

杭蘭

風蘭

箬蘭

金蘭

菊花

御袍黃

合蟬菊

粉雀舌

黃薔薇

大師紅

賽揚妃

蜜雀舌

荔枝紅

綠芙蓉

太真紅

紫蘇桃

勝緋桃

赤金盤

太真黃

黃疊羅

勝瓊花

瓊芍藥

上

白疊羅

琥珀盤

金芍藥

狀元黃

一弁雪

黃鶴翎

蜜芍藥

玉寶相

青心白

白鶴翎

紫牡丹

金寶相

鶯羽黃

瑪瑙盤

白牡丹

鶴頂紅

金絡索

一捻紅

黃牡丹

紫金蓮

玉玲瓏

金鳳僊

紅牡丹

佛座蓮

紫霞觴

玉蝴蝶

病西施

勝金蓮

瑞香紫

錦雲紅

黃西施

金佛蓮

蘸金盤

白粉團

賽西施

西番蓮

相袍紅

紫粉團

醉西施

太液蓮

僧衣褐

粉鶴翎

白西施

錦芙蓉

火煉金

銀鎖口

金鎖口

剪霞綃

黃茉莉

白茉莉

醉楊妃

金芙蓉

玉芙蓉

殿龍芳

綿繚桃

紅萬卷

鄧州黃

桃花菊

紫絨毬

粉萬卷

福州紫

芙蓉菊

檀香毬

錦牡丹

賓州紅

石榴紅

白絨毬

紫褒姒

黃都勝

海棠春

黃綉毬

錦褒姒

順勝紫

紫羅袍

剪金毬

白褒姒

錦丁香

觀音面

象牙毬

紅剪絨

金紐絲

玉堂僊

木紅毬

紫剪絨

呂公袍

頭陀白

錦綉毬

寶剪絨

麝香黃

玉蓮環

水晶毬

白剪絨

波斯菊

倚闌嬌

晚黃毬

縷金妝

試梅妝

金帶圍

十采毬

燕金白

粉幘瓣

四面鏡

紛綉毬

洒金紅

白幘瓣

玉帶圍

大金毬

劈破玉

黃羅傘

五月白

小金毬

海雲紅

紫羅繖

七月菊

銀鈕絲

錦雀舌

紅羅繖

六月菊

纏枝菊

白佛頂

九煉金

二色楊妃

紅荔枝

紫金錠

紅傅粉

蠟瓣西施

金荔枝

紅粉團

雙飛燕

出爐金銀

銀荔枝

紫粉團

黃粉團

五九菊

錦心綉口

錦荔枝

紫萬卷

大小金錠

墨菊

甘菊

藍菊

紫袍金帶

金章紫綬

金盞銀臺

垂絲粉紅

鳳友鸞交

樓子佛頭

五月翠菊

無心對有心

梅花

紅梅

白梅

綠萼

照水

玉蝶

單瓣紅梅

暴海練樹按成

附臘梅

罄口

狗英

桃花

粉紅

粉白

深粉紅

單瓣大紅

單瓣白桃

緋桃

瑞仙桃

絳桃

金桃

銀桃

碧桃

美人桃

又名人面桃

鴛鴦桃

壽星桃 一名矮桃

李桃

一名柰桃 一名光桃

十月桃

一名古冬桃 又一名雪桃

杏花

梅杏

沙杏

石榴

海榴

富陽榴

餅子榴

翻花榴

白榴

千瓣白

千瓣粉紅

千瓣黃

千瓣大紅

火石榴

大紅石榴

粉紅石榴

白石榴

蓮花

紅蓮

白蓮

四面蓮

品字蓮

臺蓮

黃蓮

青蓮

竝頭蓮

玉蘭花

海棠花

垂絲

貼梗

木瓜

西府

鴉海棠花

茉莉花

朱茉莉

千葉

單葉

粉團花

麻葉

白粉團

卽綉毬花

木香花

白花紫心

青心白木香

黃木香

薔薇花

朱千薔薇

荷花薔薇

刺縻堆

五色薔薇

黃薔薇

淡黃

驚黃

白薔薇

野薔薇

雪白

粉紅

寶相花

大紅

粉紅

十姊妹花

七姊妹花

金沙羅花

月月紅花

又名月季又名長春又名勝春又名閨雪

深紅

淺紅

金鉢盂花

間間紅花

真珠蘭花

錦帶花

芭蕉花

美人蕉

芭蕉

夜合花

百合

夜合

杜鵑花

川鵲

四明

杜鵑

罌粟花

大紅

桃紅

純紫紅

純白

虞美人

滿園春

剪絨

剪裘

桂花

金黃

白黃

四季

結子

附桂子

芙蓉花

大紅千瓣

白千瓣

半白半桃千瓣

醉芙蓉

朝白

午桃紅

晚紅

鷄冠花

俗名波羅奢花

掃箒

扇面

二喬

纓絡

壽星

一種五色

剪春羅

又名碎剪羅

剪秋羅

又云漢宮秋

鳳僊花

宋時謂之金鳳花

紅鳳僊

白鳳僊

紫鳳僊

洒金

或紅或紫

五色

簇於一枝

水僊花

單瓣

本色又名金盞銀臺

玉玲瓏

千瓣

瑞香花

紫瑞香

白瑞香

粉紅瑞香

山茶花

磬口

粉紅

又名西施

瑪瑙山茶

寶珠

蕉萼白寶珠

迎春花

蝴蝶花

黃蝴蝶

白蝴蝶

紫蝴蝶

山礬花

笑靨花

金莖花

玫瑰花

紫荊花

鹿荔花

映山紅花

史君子花

吉祥艸花

夾竹桃花

梔子花

萵苣花

金雀花

羊躑躅

梨花

有香臭二種

郁李花

麗春花

棣棠花

辛夷花

即木筆

紫丁香

茶蘼花

繅絲花

結香花

枳殼花

海桐花

橙花

金錢花

凌霄花

朱蘭花

蕙蘭花

桂蘭花

練樹花

淡竹花

金燈花

四季花

地湧金蓮

紫羅襪花

孩兒菊花

醒頭香花

番山丹花

含笑花

紫薇花

紫色

白薇

色近微紅

大紅

佛桑花

大紅花

粉紅花

黃花

白花

玉簪花

指甲花

慈菰花

鼓子花

紫花

夏菊花

丈菊花

石竹花

紅豆花

蜀葵

又名戎葵

紅

紫

白

墨紫

深

淺

桃紅

茄紫

千瓣

五心

重臺

剪絨

細瓣

鋸口

圓瓣

五瓣

重瓣

錢葵花

萱花

又名宜男草

山丹花

水紅花

西番菊

西番蓮

雙鸞菊花

飛來鳳

海石榴

金銀蓮花

纏枝牡丹

花木槿花

秋牡丹花

金鳳花

槿花

秋葵花

白菱花

名花

茶梅花

金絲桃

松花

枸杞子花

甘州佳

蒲花

蓼花

十樣錦花

楊花

菜花

附

愚齋諸菊品目

九華菊

各見陶淵明集今以此品居首者尊古也

佛頂菊

亦名

黃佛頂

大佛頂

小佛頂

樓子佛頂

夏月佛頂

御愛黃

御袍黃

深色

淺色

御衣黃

勝金黃

大金黃

小金黃

側金盞

金絲菊

金錢菊

大金錢

小金錢

千葉小金錢

單葉小金錢

賽金錢

金鈴菊

亦名塔子菊

大金鈴

小金鈴

夏金鈴

秋金鈴

金萬鈴

夏萬鈴

秋萬鈴

金塾菊

金盞銀臺

亦名水仙菊

金盞金臺

金盃玉盤

金井銀欄

金井玉欄

滴滴金

夏菊也

滿堂金

銷金菊

銷金北紫

銷銀黃菊

玉盤盃

玉鈴菊

玉甌菊

玉盆菊

銀盤菊

輪盤菊

銀臺菊

銀盆菊

珠子菊

水晶菊

玉毬菊

繡毬菊

毬子黃

錦菊

繡菊

疊金黃

亦名明州黃

疊羅黃

白疊羅

垂絲菊

黃色

垂絲粉紅

鋪茸菊

蹙線菊

荔枝菊

白荔枝

銀杏菊

橙黃菊

柑子菊

枇杷菊

密友菊

酴醾菊

黃色白

木香菊

黃色白

丁香菊

桃花菊

牡丹菊

素馨菊

黃色白

棣棠菊

朱利菊

薔薇菊

蓮花菊

附荷菊

芙蓉菊

鷄冠菊

蠟梅菊

松菊

柿葉菊

柳條菊

檀子菊

茱萸菊

艾菊

龍腦菊

新羅菊

黃色白

鄧州黃

鄧州白

明州黃

泰州黃

淮南菊

襄陽紅

大笑菊

大笑亦一花名

笑靨菊

黃色白色

喜容菊

黃色白色

添色喜容

喜容千葉

都勝菊

纏枝菊

黃色白色

徘徊菊

甘菊

野菊

黃色白色

藤菊

亦各一文黃

寒菊

黃色白色

春菊

五月菊

九日菊

十月白

十樣菊

黃二色

紅二色

樓子菊

鞍子菊

腦子菊

麝香黃

白麝香

燕脂菊

粉團菊

淩風菊

朝天菊

月下白

楊妃菊

粉紅色

楊妃裙

黃色

太真黃

孩兒菊

黃色 白色 粉紅色

波斯菊

鴛鴦菊

鸞鴛菊

鵝兒菊

鵝毛菊

蜂兒菊

蜂鈴菊

碧蟬菊

合蟬菊

五色菊

紫菊

順聖淺紫

石菊

其色有三故附于此

丹菊

九月開

紅菊

五月開附乾紅菊

碧菊

青心菊

單心菊

黃簇菊

鐵腳黃鈴菊

黑葉兒菊

銀兒菊

釵頭菊

右一百三十一名間於其下又有附注者三十二是
總計一百六十三名也然世謂此花有七十二品若
以此數求其一州之所有則不足求於四方則遠

出此數之外蓋菊之爲態栽植年深苟得其宜則其間形色或有變易者故種類滋多命名非一殆不可以數計也况遐方異俗所呼不同或一品至於有三四名者以是考之則知此品目猶未免有重複也覽者當知之

一種而五名

藤菊

一丈黃

枝亭菊

棚菊

朝天菊

一種而四名

九華菊

兩層者

一笑菊

層者

枇杷菊

栗葉菊

花史左編卷之四

構李 仲遵 王路 纂修

花之辨如一花數名一名數色諸凡異辨異實異

味異產培灌異法種種不一不妨剖晰其微

梅花 海棠 山茶 石榴

火榴 附 桃花 李花 杏花

蓮花 桂花 附 桂子 芙蓉

牡丹 水仙 瑞香 紫薇

宜男

梨花

山丹

蘭花外附七條

蜀葵

棣棠

麗春又一條

郁李

梔子

紫荊

鳳仙

雞冠

瞿粟

杜鵑

夜合

芭蕉

錦帶

寶相

薔薇

玉蘭

臘梅

槿花

蝴蝶

笑靨

金莖

玫瑰

鹿苑

辛夷

荼蘼

結香

枳殼

海桐

橙花

朱蘭

練花

淡竹

金燈

四季

含笑

夏菊

丈菊

石竹

紅豆

錢葵

茗花

香楠

羊桃

茉莉

秋牡丹

十樣錦

十姊妹

七姊妹

娑羅花

月月紅

金鉢盂

間間紅

真珠蘭

剪春羅

剪秋羅

史君子

夾竹桃

紫丁香

番山丹

水紅花

花類

卷八

五

四

金銀蓮 水木樨 金絲桃 鐵樹花

攀枝花 山礬花 美人蕉 金沙蘿

粉團花 纏枝牡丹 地湧金蓮

附 百菊集譜 類凡七 一洛陽品類

二虎地品類 三吳中品類

四石湖品類 五禁苑諸州品類

六越中品類 七列諸譜外之名

附 芍藥譜 附 洛陽牡丹志

梅花

趙彥林註江邊曰江梅在嶺曰嶺梅在野曰野梅官中所種曰官梅挿膽瓶曰瓶梅

又

先發曰蚤梅飽風霜老水涯曰枯梅色紅者爲紅梅紅白之外有五種如綠萼蒂純綠而花香亦不多得有照水梅花開朶朶向下有千瓣白梅名玉蝶有單瓣紅梅有練樹接成墨梅皆奇品也

海棠

李贊皇集花木以海爲名者悉從海上來海棠是也
沈立海棠記江浙間又有一種柔枝長帶顏色淺紅
垂英向下謂之垂絲海棠

又

譜云有垂絲有貼梗貼梗者花如胭脂綴枝作花垂
絲前已詳又有生子如木瓜可食者曰木瓜又有梗
枝略堅單葉粉紅者曰西府貼梗與木瓜相以木瓜

葉粗花先開貼梗葉細花後開其種有七

山茶

如磬口外有粉紅者有鶴頂茶如碗大紅如羊血中心塞滿如鶴頂求自雲南名曰滇茶有黃紅白粉四色爲心而大紅爲盤名曰瑤山茶產自浙之温州有千葉而攢簇曰寶珠有似寶珠而蕊白色蕉者蕉萼白寶珠九月發花其香清可愛若杭之所爲寶珠者花心叢簇甚少且有白絲吐出不佳

又

南方艸木記山茶花有數種有寶珠茶石榴茶海榴
茶中有碎花躑躅茶茉莉茶官粉茶寧珠茶皆粉紅
色一捻紅照殿紅葉各有不同

石榴

其本名安石榴亦名海榴一種富陽榴結實大者如
碗餅子榴則花大而不結實山東有番花榴其花尤
大於餅子榴又有一種身不過二尺栽盆中結子亦

榴樹壓大石亦多生取嫩條挿肥陰地無不活者沉
子肥土中次年亦可開花大抵榴性喜肥濃糞澆之
無忌二月初取嫩枝如指大者斬長尺許以指脚刮
去一二寸皮深挿於背陰處若以白榴枝挿於紅石
榴枝上其花粉紅然粉紅亦自有種燕中有千瓣白
千瓣粉紅千瓣黃千瓣大紅有四色單瓣者比他處
不同中心花瓣如起樓臺謂之重臺石榴花頭頗大
而色更深紅

火石榴

上盆小株花多大紅粉紅白三色外有細葉一種亦佳

桃花

平常者有粉紅粉白深粉紅三色其外有單瓣大紅千葉桃紅之變也單葉白桃千葉白桃之變也有緋桃俗名蘓州桃花如剪絨者比諸桃開遲而色可愛有瑞仙桃色深紅花最密有絳桃千葉有二色桃

粉紅花開稍遲于瓣極佳有金桃形長色黃如金
粘核多蛀熟遲銀桃形圓色清白肉不粘核六月中
熟一種千葉花色淡結寔少美人桃花粉紅千葉又
名人面桃不寔鴛鴦桃千葉深紅開最後結寔必雙
壽星桃一名矮桃高二尺寔如金桃而圓秋熟李
桃花深紅形圓色青肉不粘核其寔光澤如李一名
李桃一名光桃十月桃花紅形圓色青肉粘核味甘
酸十月中熟一名古冬桃又一名雪桃

李花

李之品多有外青內白者有黃者紅者嘉慶者外青內紅建寧者甚甘今之李乾皆從此來李性耐久又喜開爽連陰則子細而味不佳臘月中取根上發起小條移種別地待長又栽成行栽宜稀不宜肥地

杏花

花先赤後白此果多花多寔本有梅杏沙杏之分根生最淺以大石壓根則花盛子牢杏仁極熟帶肉埋

其核於糞中至春卽換地移栽杏以核出者按核
年卽生今陝西出入丹杏杏肉多查不可食惟取其
仁

蓮花

紅白之外有四面蓮千瓣四花兩花者多竝蒂總在
一莖發出三莖者名品字蓮有一種臺蓮開花謝後
蓮房中復吐花英最奇種也有黃蓮復有青蓮以蓮
子磨去頭上些少浸靛缸中明年清明取出種之花

開青色花白者香而結藕紅者艷而結蓮

桂花

金黃白黃四季惟金桂爲最葉邊如鋸齒而紋麤者
香灌以豬糞蚕沙壅之茂臘雪高壅於根則來年不
灌自發桂樹接石榴開花必紅

桂子

桂子之說起自唐時後宋慈雲式公月桂詩序云天
聖丁卯秋八月十五夜月有濃華雲無纖迹天降

寔其繁如雨其大如豆其圓如珠其色白者
者殼如芡實味辛識者曰此月中桂子好事者播種
林下一種卽活

芙蓉

有數種惟大紅千瓣白千瓣半白半桃千瓣有醉芙
蓉朝白午桃紅晚敗大紅者佳甚今人每種池蕩邊
取其映水俗傳葉能爛額毛隔夜以靛水調紙包花
蕊上來日開花青色黃色者種貴難得

牡丹

黃類

御衣黃

千葉色似黃葵

淡黃

初開微黃色如

新鵝黃後漸白平頭聞有太真黃未見

大紅類

大江舞青猊

千葉樓子胎短花小中出五青

辨宜向陽

石榴紅

千葉樓子胎類王家紅

專縣狀元

紅千葉樓子宜成樹背陰

金花狀元紅

大辨平頭微

紫每瓣上有黃鬚故名宜陽

王家大紅

千葉樓子胎

紅而長尖微曲宜陽

紅剪絨

千葉平頭其辨如剪

大紅新粧

花類王家紅葉微小

大紅西瓜穠

千葉樓

子宜陰

小葉大紅

千葉頭小難開

金絲大紅

平頭不

甚大每瓣上有金絲毫謂之金線紅

硃砂紅

千葉樓

子宜陰

映口紅

千葉樓子細辨宜陽

錦袍紅

千葉平

頭

半血紅

千葉平頭易開

九蕊珍珠紅

千葉花中有

九蕊

石家紅

千葉平頭不甚緊

七宝冠

千葉樓子難

開又名七寶旋心

醉胭脂

千葉樓子莖長每開頭垂

下宜陽

桃紅類

魏紅

千葉

大葉桃紅

千葉樓子宜陰

桃紅舞

青猊

千葉樓子中出五青瓣河南名睡綠蟬宜陽

青

安紅

平頭黃心有粗細葉二種粗者香

壽春紅

千葉

平頭胎瘦小宜陽

厭春芳

千葉樓子開遲

醉桃仙

千葉

葉花外白內紅難開宜陰

美人紅

千葉樓子

嫩葉桃

紅

千葉樓子葉圓而皺難開宜陰

梅紅平頭

千葉深

桃紅

蓮蕊紅

千葉樓子瓣似蓮

海天霞

千葉平頭開

花大如盞宜陽

桃紅西瓜瓣

千葉樓子胎紅而長

陽 翠紅粧

千葉樓子難開宜陰

陳州紅

千葉樓子

桃

紅西番頭

難開宜陰

桃紅線

千葉

四面鏡

有旋辨

桃

紅鳳頭

千葉花高大

嬌紅樓臺

千葉淡紅桃紅宜陰

輕羅紅

千葉

嬌紅

色如魏紅不甚千葉

醉嬌紅

千葉

微紅

淺嬌紅

千葉樓子

花紅綉毬

千葉細辨開圓如

毬

出紫紅桃

千葉大尺餘其莖長二尺許

西子紅

千

葉開圓如毬宜陰

紫玉

千葉葉由辨中有紅絲紋大尺

許

海雲紅

千葉色紅如朝霞

粉紅類

玉芙蓉

千葉樓子成樹則開宜陰

素鸞嬌

千

葉樓子宜陰

水紅毯

千葉叢生宜陰

玉兔天香

二種

一早開頭微小一晚開頭極大中出二瓣如兔耳

醉

楊妃

二種一千葉樓子宜陽一平頭極大不耐日色

赤玉盤

千葉平頭外白內紅宜陰

同回粉西施

細

樓子外紅內粉紅

粉西施

千葉甚大宜陰

醉西施

千

葉開久露頂

舞青扇

千葉開繁不甚大叢生宜陽

粉

嬌娥

千葉白色帶淺紅即賦粉粧

西天香

開早初甚

紫薇

紫色之外有白薇色近微紅此種亦可又有大紅凡三種

宜男

形似萱花而小蜜色婦人帶之可移女爲男晚置齋頭香幽可愛然須加意培植入盆種之多上益善

梨花

有香臭二種其梨之妙者花不作氣醉月歌風含烟

帶雨瀟灑真莫可與並種肥陰地則花茂

山丹

花如朱紅外有黃色有白色者二種稱奇

蘭花

紫梗青花者爲上青梗青花者次之紫梗紫花者又次之餘不入品種時須將山土和勻團成茶甌大以猛火煨之取出槌碎鋪以皮屑納盆缶中二八月分種澆之以土煨者爲其根最其恐蚯蚓傷耳

莖葉柔細生幽谷竹林中宿根移植膩土多不活即
活亦不多開花其莖葉肥大而翠勁可愛者率自閩
廣移來也非草蘭比

挂蘭

斯之溫台山中巖壑深處懸根而生故人取之以竹
爲絡挂之樹底不土而生花微黃肖蘭而細不可缺
水或云宜以冷茶沃之

建蘭

建蘭莖葉肥大翠勁可愛其葉獨潤若非原盆必用
山土栽取脚缸盛水中間安類恐蟻傷根水須一日
一換若起水皮則蟻可度忽然葉生白點謂之蘭虱
魚腥水或煮蚌湯頻洒之卽滅夏月用醬豆汁澆之
則花茂

興蘭

卽蕙草也又名九節蘭其葉長杭蘭大半種之得宜
來年愈盛買棟大窠得氣者將根洗淨根剪去一

盆下用細沙上用鬆土無不花者

杭蘭

或云喚蘭

此種有紫花黃心有曰花黃心紫若胭脂白若羊脂
花香可愛正月間杭人取堆混堂促開故花不香須
買大本根內無竹釘者取橫山黃土揀去石塊種之
見天不見日羊鹿糞灌之來年花盛一說用水浮炭
種之上蓋青苔茂花且頻洒水花香一說用雞鵝毛
水澆之亦可

風蘭

種小似蘭枝幹短而勁類瓦花不用砂土取竹籃盛貯其大窠懸於有露無日之處朝夕洒水三四月中開小白花將萎轉黃色黃白相間如老翁鬚或云宜以冷茶沃之或云用婦人髻鉄絲盛之而以頭髮襯之則花茂又云此蘭能催生將分婉掛房爲妙

簪蘭

其葉如箬四月中開紫花形似蘭不香與石榴紅同

時以開大都產海島陰谷中羊山馬迹諸山亦有

蜀葵

又名戎葵出自西蜀其種類似不可曉總要地肥善
灌花有五六十種奇態而色有紅紫白墨紫深淺桃
紅茄紫雜色相間花形有千瓣有五心有重臺有剪
絨有細瓣有鋸口有圓瓣有五瓣有重瓣種乚莫可
名狀

棣棠花

花若金黃一葉一莖生甚延蔓有色白者又有單葉者名金碗喜水

麗春花

罌粟類也其花單瓣態色飛舞儼若蝶翅扇動亦草花中之妙品也

又

根苗一類而具數種之色紅者紫者白者傅粉之紅者丹青之黃者有微紅者半紅者白膚而絳絡者丹

衣而素純者又有殷者而染茜

柳李花

有粉紅雪白二色俱千葉花如紙剪簇成

梔子花

有花小而重臺者園囿中之品卉又一種徽州梔子
小葉小枝小花高不過尺許可作盆景

紫荊花

花碎而繁色淺紫每花一蒂若柔絲相繫故枝動朵

花東 卷二
朶嬌顫不勝

鳳仙花

有紅白紫數種搗其葉可以染指甲爲紅色古有紅
指甲詩云一點愁凝鸚鵡喙十分春上牡丹芽嬌彈
粉淚拋紅豆戲搯花枝鏤絳霞一名金鳳花有重瓣
單瓣紅白粉紅紫色淺紫如藍有白瓣上生紅點凝
血俗名洒金六色花開一落卽去其蒂則花茂

鷄冠花

俗名波羅奢花有掃帚雞冠有扇面雞冠有紫白同
蒂名二喬雞冠有纓絡雞冠用扇子或婦人裙子扇
面者以矮爲佳帚樣者以高爲趣二色雞冠一朵同
蒂色分紫白各半亦奇種也更有一種五色者最短
名曰壽星

罌粟花

色有大紅桃紅純紫紅紫純白一種而具數色絕類
麗春虞美人辨短而嬌蒲園春夾辨剪絨花蓋狹長

剪裘花蕊闊大俱以子種

杜鵑花

出自蜀中者佳謂之川鵑花內十數層色紅出四明者花可二三層色淡總名杜鵑有一種石巖映山紅接者不佳

夜合花

一幹特起葉皆環列攢幹上至開花時皆傾側外向立夏日看蕊紅紋香淡者名百合蜜色而香濃日開

夜合者名夜合臨平出產多以紅色想作百合賣宜
慎辨之

芭蕉花

自東粵來者名美人蕉其花開若蓮而色紅若丹

錦帶花

又名髻邊嬌形如小鈴白者肉而粉紅者外亦有深
紅者一樹而有二色類海棠而枝長花密無子既開
繁麗裊嫋如曳錦帶植之屏籬可供雅玩

寶相花

大紅粉紅二種花似薔薇朵大而千瓣塞心肥陰處則茂

薔薇花

有朱千薔薇多葉赤色花大葉粗最先開有荷花薔薇千葉花紅狀似荷花有刺縻堆亦千葉花大紅如刺繡所成開最後有五色薔薇花亦多葉而小一枝五六朵而有深紅淺紅之別有黃者花如棣棠金色

有淡黃者有鵝黃色者易盛而難久有白者類玫瑰而無香

玉蘭花

種似水筆以木筆並植其側秋後遇枝接生其花九
瓣色白微碧狀類芙蓉心叢生淺綠一幹一花皆着
木末花落又從蒂中抽葉特異他花冬間結莖至三
月盛開澆以糞水則花大而香古名木蘭

臘梅花

臘梅叢生葉如桃而闊大堅硬開當臘月如臘故名
凡三種以子種出不經接上等罄口最先開色深黃
圓瓣如白梅者佳若瓶一枝香可盈室楚中荆襄者
最佳次荷花瓣者瓣有微尖又次花小香淡俗呼狗
英臘梅開時無葉葉盛則花已無

槿花

籬槿花之最惡者也其外有千瓣白槿大如勸杯有
大紅粉紅千瓣遠望可觀卽南海朱槿那提槿也植

種甚易

蝴蝶花

草花儼似蝴蝶狀色黃上有赤色細點濶葉有一種
大者青花可愛

笑靨

花細如豆一條千花望之若堆雪

金莖

金莖花如蛺蝶風過花態飛舞搖蕩婦人採之爲飾

玫瑰

出燕中色黃花稍小於紫玫瑰

鹿菊

花儼蝶蝶三大圓瓣而三小尖瓣色葱藕色中心白
地紅黃點點搖風弄影丰韻可人根枝叢發肥種之
花茂

辛夷

花如蓮外紫內白蕊若筆尖故名木筆一名望春俗

名猪心本可接玉蘭者西湖志餘云花鮮紅似杜鵑
踟躕俗稱紅石薔是也白樂天紅辛夷詩云紫粉華
含尖火焰紅胭脂染小蓮花

奈簾

大朶色白又有蜜色一種千瓣而香枝梗多刺

結香

花色鵝黃較瑞香稍長花開無葉花謝葉生枝極柔
軟多以躡結

枳殼花

花細而香聞之可破鬱結

海桐花

葉似楊梅而稍潤長青不凋花細白如丁香而嗅味不甚美遠觀可也人家園內多植之

橙花

花細而白香清可人

朱蘭花

花開肖蘭色如渥丹葉潤而柔粵種也

練樹花

苦練發花一蓓數朵滿樹可觀

淡竹花

花開二瓣色最青翠鄉人用綿收之貨作画燈青色
并破綠等用

金燈花

花開一簇五朵金燈色紅銀燈色白皆蒲生分種開

時無葉花完發葉如水仙

四季

花小葉細色白

含笑

產廣東其花如蘭形色俱肖花開不滿若含笑然隨
卽凋落性最耐寒

夏菊

花瓣雖細凡一二層色黃肖菊俗說遍地生苗者由

葩萌滴露而出也故名滴滴金又名金錢菊

文菊

其莖丈餘餘亦堅粗每多直生雖有傍枝只生一花
大如盞盂單瓣色黃心皆作窠如蜂房狀至秋漸紫
黑而堅劈而飲之其葉類麻而尖又名迎陽花

石竹

石竹有二種單瓣者名石竹千瓣者名洛陽花二種
俱有雅趣

紅豆

花開一穗十盞纍七下垂色妍桃杏葉瘦如蘆頗可玩也

錢葵

卽錦茄花花葉如葵稍矮而叢生花大如錢止有粉間深紅一色開亦耐久

茗花

卽食茶之花色月白而黃心清香隱然瓶之齋頭可

爲清供佳品且益在枝條無不開遍非凡花比也

香楠

馬湖府土產年深向陽者結成花紗

羊桃

福州產其實五瓣色青黃

茉莉

有朱茉莉其色粉紅有千葉者初開時花心如珠出自四川有單葉者

秋牡丹

草本遍地延蔓葉肖牡丹花開淺紫黃心根生分種
易活

十樣錦

十樣錦枝頭亂葉有青紅紫黃綠雜色故名其鴈來
紅以鴈來而色嬌故名非一種二名也

十姊妹

花小而一蒂十花故名十姊妹其色自一蒂中分紅

紫白淡紫四色或云色因開久而變然試之含蕊便有各色真天姿也

七姊妹

花似薔薇而七朵連綴花甚可觀開于春盡

婆羅花

雅州瓦屋山出五色爛然移他處則槁

月月紅

俗名月月紅又名月季花又名長春花又名勝春花

又名閩雪花一本叢生枝幹多刺而不甚長花有深紅淺紅之異

金鉢盂

形似沙羅而花小夾瓣如甌紅鮮可觀

間間紅

又名佛見笑花似薔薇色紅瓣短葉差小于薇有粉色花最小而簇密

真珠蘭

真珠蘭色紫萼蘂如珠花開成筵其香甚濃戴之髮
鬢香聞十步以之蒸牙香捧香名曰蘭香者非此不
可廣中極盛至南方則不甚多

剪春羅

春羅又名剪羅葉似冬青而小每莖開一花花瓣上
茸茸如剪刀痕

剪秋羅

秋羅又云漢官秋與春羅相似而葉且尖深紅色瓣

分數岐爲剪刀狀其色勝春羅根俱可分子俱可下

史君子花

花如海棠柔條可愛

夾竹桃花

花如桃葉如竹故名

紫丁香花

木本花如細小丁香而瓣柔色紫蓓蕾而生接種俱可自是一種非瑞香之別名也

番山丹花

有二種一名番山丹花大如碗瓣俱捲轉高可五六尺一種花如硃砂本止盈尺茂者一幹兩三花

水紅花

花開蓓葉而細長二寸枝枝下垂色粉紅可觀惟水邊更多故俗名水紅花也

金銀蓮

湖中甚多園林盆泥甯水種之但取二色重臺者可

愛

水木樨

花色如蜜香與木樨同味但草本耳

金絲桃

花如桃而心有黃鬚鋪散花外若金絲然以根下劈
開分種易活

鐵樹花

黎州安撫司產樹止一二尺葉密而花紅

攀枝花

高四五丈，顛山茶殷紅如錦，一名木棉。

山礬花

花繁如雪，香氣極濃，邛州出產。

美人蕉

產福建福州府，其花四時皆開，深紅照眼，經月不謝。

金沙羅

似薔薇而花渾瓣，色紅艷奪目。

粉團花

葉麻花開小而色邊紫者爲最其白粉團卽繡毬花也

纏枝牡丹

柔枝依附而生花有牡丹態度甚小纏縛小屏花開爛然亦有雅趣

地湧金蓮

葉如芊芴花開如蓮花瓣內一小黃心幽香可愛色

狀甚奇最難工開花

附

百菊集譜類凡七

洛陽品類
鄧江周師厚
公因倅洛陽作洛

陽花木記
愚今于記中惟據取菊名列于

此若乃諸形狀據花本皆不該

菊
單葉

金鈴菊

紫餘子

萬鈴菊

毬子菊

鷄冠菊

地棠菊

千葉大黃菊

五色菊

粉紅菊

碧菊

千葉晚紅菊

黃簇菊

柿葉菊

青心菊

葉紅菊

黃窠廷子

探白子

白菊

六月紫菊

紅香菊

釵頭菊

紫菊

亦謂之
早蓮

金錢菊

川金菊

深
色
單葉

川剪金

號地品類

彭城劉蒙撰譜
寓見菊作此

公因至伊水旅

叙曰艸木之有花浮冶而易壞凡天下輕脆難久之

物者皆以花比之宜非正人達士堅操篤行之所好也然余嘗觀屈原之爲文香艸龍鳳以比忠正而菊與菡桂荃蕙蘭芷江籬同爲所取又松者天下歲寒堅正之木也而陶淵明乃以松名配菊連語而稱之夫屈原淵明寔皆正人達士堅操篤行之流至于菊猶貴重之如此是菊雖以花爲名固與浮冶易壞之物不可同年而語也且菊有異于物者凡花皆以春盛而寔者以秋成其根枝抵葉無物不然而菊獨以

秋花悅茂于風霜搖落之時此其得時者異也有花
葉者花未必可食而康風子乃以食菊仙又本草云
以九月取花久服輕身耐老此其花異也花可食者
根葉未必可食而陸龜云春苗恣肥得以採擷供左
右杜按又本艸云以正月取根此其根葉異也夫以
一艸之微自本至末覺無非可食有功于人者加以
色香態纖妙閒雅可爲丘壑燕靜之娛然則古人取
其以此得而配之以歲寒之操夫豈獨然而已哉洛

陽風俗大抵好花菊品之數比他州爲盛劉原孫伯
紹者隱居伊之瀍率諸菊而植之朝夕嘯咏介乎其
則蓋已有意譜之而未暇也崇寧甲申九月余爲龍
門之游得至君居坐于舒嘯堂上顧玩而樂之是枝
香筍茶竹硯墨之類有名數者前人皆譜錄空菊相
與評論訪其居之未嘗有因而次第焉夫牡丹花品
極盛至于三十餘種可以類聚而記之故隨其名品
論叙于左以列諸譜之次

說疑

或謂菊與苦蕒有兩種而陶隱居曰華子所記皆無
千葉花疑今譜中或有非菊者也然余嘗讀陶隱居
之說以謂莖紫色青作蒿艾氣爲苦蕒今余所記菊
中雖有莖青者然而爲氣香味甘枝葉纖少或有味
苦者而紫色細莖亦無蒿艾氣今人間相傳爲菊其
已久矣故未能輕取舊說而棄之也凡植物之見取
于人者栽培灌漑不失其宜則枝葉華寔無不猥大

至其氣之所聚乃有連理合穎雙葉並蒂之瑞而
于花有變而爲千葉者乎曰華子曰花大者爲甘菊
花小而苦者爲野菊若種園蔬肥沃之處復同一體
是小可變爲甘也如是則單葉變而爲千葉亦有之
矣牡丹芍藥皆爲藥中所用隱居等但記花之紅白
亦不云有千葉者今二花生於山野類皆單葉小花
至于園圃肥沃之地栽鉏糞養皆爲千葉然後大花
千葉變態百出然則奚獨至于菊而疑之

注云
草者謂菊

花史

辨

廿三

四卷

一名日精

按說文

從鞠而爾雅菊治唐

月令云

鞠黃華疑

皆傳寫之誤歟若夫馬蘭為紫菊瞿麥為大菊烏喙

苗為鴛鴦菊旋覆花為艾菊與其他妄濫而竊菊名

者皆所不取云

鴛鴦菊乃豆蔻花也其花類百合而

小比牽牛花差大紅紫色中心有雙頂上之端為雙

鸞鸞之形其葉如菊葉而極大淮南二二月開花

定品

或問菊奚先曰先色與香而後態然則色奚先曰黃

者中之色上黃季月而菊以九月花金土之應相生而相得者也其次莫若白西方金氣之應菊以秋開則于氣爲鍾焉陳藏器云白菊生平澤花紫者白之變紅者紫之變也此紫所以爲白之次而紅所以爲紫之次云有色矣而又有香有香矣而復有態是其爲花之尤者也或又曰花以艷媚爲悅而子以態爲後歟曰吾嘗聞于古人矣妍卉繁花爲小人而松竹蘭菊爲君子安有君子而以態爲悅乎至於具香與

色而又有態是猶君子而有威儀也菊有名龍腦者
具香與色而態不足者也菊有名都勝者具色與態
而香不足者也菊之黃者未必皆勝而置于前者正
其色也菊之白者未必皆劣而列于中者次其色也
新羅香毬玉鈴之類則以瓌異而升焉至于順聖楊
妃之類轉紅受色不正故雖有芬香態度不得與諸
花爭也然余獨以龍腦爲諸花之冠是故君子貴其
質焉後之視此譜者觸類而求之則意可見矣

花總

數三十有五品以品視之可以見花之高下以花視之可以知品之得失其列之如左云

龍腦第一

龍腦一名小銀臺出京師開以九月末類金萬鈴而葉尖謂花上葉色類人間紫鬱金而外葉純白夫黃菊有深淺色兩種而是花獨得深淺之中又其香氣芬烈甚似龍腦是花與香色俱可貴也諸菊或以態度爭先者然標致高遠譬如太人君子雍容雅淡識

與不識。固將見而悅之。誠未易以妖冶艷媚爲勝也。

新羅第二

新羅一名玉梅。一名倭菊。出海外國中。開以九月末。千葉純白。長短相次。而花葉尖薄。鮮明瑩徹。若瓊瑤然。花始開時。中有青黃細葉。如花蕊之狀。盛開之後。細葉舒展。迺始見其蕊焉。枝正紫色。葉青。支股甚小。凡菊類多尖闕。而此花之蕊。分爲五出。如人之有支股也。與花相映。標韻高雅。似非尋常比之然也。余觀

諸菊開頭枝葉有多少繁簡之失。如桃花菊則根葉多。如毬子菊則根花繁。此菊一枝多開一花雖有旁枝亦少雙頭並開者。正行素獨立之意。故詳紀焉。

都勝第三

都勝出陳州。開以九月末。塢黃千葉。葉圓厚。有雙紋。花葉大者。每葉上皆有雙圓直紋。如人手紋狀。而內外大小重疊相次蓬蓬然。疑造物者着意爲之。凡花形千葉如金鈴則太厚。單葉如大金鈴則太薄。惟都

勝新羅御愛棣棠。頗得厚薄之中。而都勝又其最美者也。余嘗謂菊之爲花。皆以香色度爲尚。而枝常沒。麓葉常恨大。凡菊無態度者。枝葉累之也。此菊細枝小葉嫋嫋有態。而俗以都勝目之。其有取于此乎。花有淺深兩色。蓋初開時色深爾。

御愛第四

御愛出京師。開以九月末。一名笑靨。一名喜容。淡黃千葉。葉有雙紋。齊短而濶。葉端皆有兩闕。內外鱗次。

亦有瓊異之形。但恨葉姿麗不得與都勝爭先。而葉
比諸菊最小。而青每葉不過如指面大。或云出禁中。
因此得名。

玉毬第五

玉毬出陳州。開以九月末。多葉白。花近葉微有紅色。
花外大葉有雙紋。瑩白齊長。而蕊中小葉如剪茸。初
開時有殼青。久乃退去。盛開後小葉舒展。皆與花外
葉相次。側垂以玉毬目之者。以其有圓聚之形也。

枝幹不甚龐葉尖長無殘闕枝葉皆有浮毛頗與諸菊異然顏色標致固自不凡。近年以來方有此本好事者競求致一二本之直比于常菊十倍焉。

玉鈴第六

玉鈴未詳所出開以九月中純白千葉。中有細鈴甚類大金鈴菊。凡中花中如末毬新羅形態高雅出于其上而此菊與之爭勝故余明次二菊觀名尤實以無媿焉。

金萬鈴第七

金萬鈴未詳所出。開以九月末。深黃千葉菊。以黃爲正。而鈴以金爲質。是菊正黃色。而葉有鐸形。則于名實兩無愧也。菊有花密枝偏者。人間謂之鞍子菊。寔與此花一種。特以地脉肥盛。使之然爾。又有大黃鈴。大金鈴。蜂鈴之類。或形色不正。比之此花。特爲竊有缺。

大金鈴第八

大金鈴未詳所出開以九月未深黃有鈴者皆如鐸之形而此花之中寔皆五出細花下有六葉開之每葉之有雙紋枝與常菊相似葉大而踈一枝不過十數葉俗名大金鈴蓋以花形似秋萬鈴爾

銀臺第九

銀臺深黃萬銀鈴葉有五出而下有雙紋白葉開之初疑與龍腦菊一種但花形差大且不甚香耳俗謂龍腦菊爲小銀臺蓋以相似故也枝幹纖柔葉青黃

高麗疎近出洛陽水北小民家未多見也

棣棠第十

棣棠出西京開以九月未雙紋多葉自中至外長短相次如千葉棣棠狀凡黃菊類多少花如都勝御愛雖稍大而色皆淺黃其最大者若大金鈴菊則又單葉淺薄無甚佳處惟此花深黃多葉大于諸菊而又枝葉甚青一枝叢生至十餘朶花葉相映顏色鮮好甚可愛也。

蜂鈴第十一

蜂鈴開以九月中千葉深黃。花形圓小。而中有鈴葉。擁聚蜂起。細視若有蜂窠之狀。大抵此花似金萬鈴。獨以花形差小而尖。又有細蕊出鈴葉中。以此別爾。

鵝毛第十二

鵝毛未詳所出。開以九月。水淡黃。纖如細毛。生于花萼上。凡菊大率花心皆細葉。如下有大葉承之間。謂之托葉。今鵝毛花自內自外。葉皆一等。但長短上下。

有次爾。花形小于萬鈴亦近年花也

毬子第十三

毬子未詳所出。開以九月中深黃。千葉失細。重疊皆有倫理。一枝之杪叢生。口餘花若小毬菊。諸蕾花最小。無過此者。然枝青葉碧。花色鮮明。相映尤好也。

夏金鈴第十四

夏金鈴出西京。開以六月。深黃。千葉甚與金萬鈴相類。而花頭瘦小。不甚鮮茂。蓋以生非其時故也。或曰

非時而花。失其正也。而可置于上乎。曰其香是也。其色是也。若生非其時。則係于天者也。特失時以生。非其時。而置之諸菊之上。香色不足論矣。奚以貴質哉。

秋金鈴第十五

秋金鈴出西京。開以九月中。深黃。雙紋重葉。花中細蕊。皆出小鈴。萼中亦如鈴葉。但比花葉短廣而青。故譜中謂鈴葉鈴萼者。以此。有如蜂鈴狀。如頃年至京師。始見此菊。戚里相傳。以爲愛翫。其後品菊漸盛。香

色形態。往^上出此花上。而人之貴愛寥落矣。然花色正黃。未應便置菊之下也。

金錢第十六

金錢出西京。開以九月。未深黃。雙紋重葉。似大金菊。而花形圓齊。頗類滴漏花。滴漏花亦名金錢。人未有識者。或以爲棠棣菊。或以爲大金鈴。但以花葉辨之。乃可見爾。

鄧州黃第十七

鄧州黃開以九月未單葉。雙紋。深于蒼黃而淺于鬱金。中有細葉。出鈴萼上。形樣甚似鄧州白。但差小爾。按陶隱居云。南陽酈縣有黃菊而白。以五月採。今人間相傳。多以白菊爲貴。又時採。乃以九月。頗與古說相異。然黃菊味甘。氣香。枝幹葉形。全類白菊。疑乃弘景所說爾。

薔薇第十八

薔薇未詳所出。九月未開。深黃。雙紋。單葉。有黃細莖。

出小鈴莢中。枝幹差細。葉有枝股而圓。又薔薇有紅黃兩葉單葉兩種而單葉者差尖。人間謂之野薔薇。益以單葉爾。

黃二色第十九

黃二色九月未開鵝黃。雙紋多葉。一花之間自有深淡兩色。然此花甚類薔薇菊。惟形差小。又近蕊多有亂葉。不然亦不辨其異種也。

其菊第二十

甘菊生雍州川澤開以九月深黃單葉間巷小人且
能識之固不待記而後見也然余竊謂古菊未有瓌
異如今者而陶淵明張景陽謝希淹潘安仁等或愛
其香或詠其色或採之于東籬或泛之于酒尊疑皆
今之甘菊花也夫以古人賦詠賞愛至於如此西京
但以金菊之盛遂將棄而不取是豈仁人君子之于
物哉故余特以甘菊置于日紫紅菊三品之上其大
意如此

酴醾第二十一

酴醾出相州。開以九月末。純白千葉。自中至外長短相次。花之大小正如酴醾。而枝幹纖柔。頗有態度。若花葉稍圓。加以檀蕊。真酴醾也。

玉盆第二十二

玉盆出滑州。開以九月末。多葉黃心。內深外淡。而下有潤白大葉。連綴承之。有如盆盂中盛花狀。然人聞相傳以爲玉盆菊者。大率皆黃心碎葉。初不知其得

名之由後請疑于識者始以真菊相示乃知物之見
名於人者必有形似之實非講尋無倦或有所遺爾

鄧州白第二十三

鄧州白九月末開單葉雙紋白葉中有細蕊出鈴萼
中凡菊單葉如薔薇菊之類太率花葉圓密相次

花葉

謂頭止白葉非枝葉
之葉他種花葉似此

而此花葉皆尖細相去稀疏然

香比諸菊甚烈又爲藥中所用蓋鄧州菊潭所出爾
枝幹甚纖柔葉端有支股而長亦不甚青

白菊第二十四

白菊單葉白花。蕊與鄧州白相類。但花葉差濶。相次圓密。而枝葉麓繁。人未識者。多謂此爲鄧州白。余亦信以爲然。後劉伯紹訪得其真菊。較而見其異。故譜中別開鄧州白。而正其名曰白菊。

銀盆第二十五

銀盆出西京。開以九月中。花皆細鈴。比夏秋萬鈴差疎。而形色似之。鈴葉之下。別有雙紋白葉。故人問謂

之銀盆者。以其下葉正白故也。此菊近出未多見至其茂肥得二花之大有若盆者焉。

順聖淺紫第二十六

順聖淺紫出陳州鄧州九月中方開多葉葉比諸菊最大一花不過六七葉而每葉盤疊凡三四重花葉空處開有筒葉輔之大率花枝幹類垂絲棟棠但色紫花大爾余所記菊中惟此最大而風流態度又爲可貴。獨恨此花非黃白不得與諸菊爭先也。

夏萬鈴第二十七

夏萬鈴出鄜州開以五月紫色。細鈴。生於雙紋大葉之上。以時別之者。以有秋時紫花故也。或以菊皆秋生花而疑此菊獨以夏盛。按靈寶方曰菊花紫白又陶隱居云五月採今此花紫色而開于夏時。是其得時之正也。夫何疑哉。

秋萬鈴第二十八

秋萬鈴出鄜州開以九月中千葉淺紫其中細葉盡

爲五出鐸形而下有雙紋大葉承之諸菊如棣棠是其最大獨此菊與順聖過焉或云與下花一種但秋夏再開爾今人間通艸爲花多作此菊蓋以其瓌美可愛故也。

繡毼第二十九

繡毼出西京開以九月中于葉紫花葉尖濶相次叢生如金鈴菊中鈴葉之秋大率此花似荔枝菊花中無筒葉而萼邊正平爾花形之大有若大金鈴菊者

烏

荔枝第三十

荔枝枝紫出西京九月中開千葉紫花葉卷爲筒大小相間凡菊鈴并莖皆生托葉之上葉背乃有花萼與枝相連而此菊上下左右攢聚而生故俗以爲荔枝者以其花形正圓故也。花有紅者與此同名而純紫者蓋不多爾。

垂絲粉紅第三十一

垂絲粉紅出西京九月中開千葉葉細如茸攢聚相
次而花下亦無托葉人以垂絲目之者蓋以枝幹纖
弱故也。

楊妃第三十二

楊妃未詳所出九月中開粉紅千葉散如亂茸而枝
葉細小嫋嫋有態此寔菊之柔媚爲悅者也。

合顰第三十三

合顰未詳所出九月未開粉紅筒葉花形細者與蕊

教比方盛開時筒之大者裂爲兩翅如飛舞狀一枝
之秘凡三四花然大率皆筒葉如荔枝菊有蟬形者
蓋不多爾

紅二色三十四

紅二色出西京開以九月末千葉深淡紅叢有兩色
而花葉之中間生筒葉大小相應方盛開時筒之大
者裂爲二三與花葉相雜比茸茸然花心與筒葉中
有青黃色頗與諸菊相異然余植桃花石榴花川木

瓜之類或有一株異色者。果以物之付受。有不平歟。
抑將見其巧。與金菊之變其黃白。而爲粉紅深紫。與
花之形度。無甚佳處。特記其異耳。

桃花第三十五

桃花粉紅單葉。中有黃蕊。其色正類桃花。俗以此名。
固可怪。而又下株亦有異色。並生者也是。亦深可怪。
蓋以言其色。爾花之形度。雖不甚佳。而開于諸菊。未
有之。前故人比是菊如木中之梅焉。枝葉最繁密。或

有無花者。則一葉之大。踰數寸也。

叙遺曰。余聞有麝香菊。黃花千葉。以香得名。有錦菊。者。粉紅碎花。以色得名。有孩兒菊。者。粉紅青萼。以形得名。有金絲菊。者。紫花黃心。以蓋得名。嘗訪于好事。求于園圃。既未之見。故特論其名色。列于記花之後。焉。

補意曰。余疑古之菊品。未若今日之富也。嘗聞于蒔花者。去花之形色。變易如牡丹之類。歲取其變者。以

爲新。今此菊亦疑所變也。

吳中品類

吳門老圃史正志撰
諸公退朝
錄休治園栽菊作此

公退朝

叙曰菊艸屬也。以黃爲正。是以槩稱黃花。所宜貴者。苗可以菜。花可以藥。囊可以枕。釀可以飲。所以高人隱士。籬落畦圃之間。不可無此花也。陶淵明植於三徑。采於東籬。裛露掇英。汎以忘憂。鍾會賦以五美。謂圓華高懸。準天極也。純黃不雜。后土色也。早植晚登。君子德也。冒霜吐穎。象勁直也。杯中體輕。神仙食也。

孩兒菊

紫萼白心茸上然葉上有光與他菊異

夏月佛頂菊

五六月開色微紅

後叙曰花有落者有不落者蓋花瓣結密者不落盛開之後淺黃者轉白而白色者漸轉紅枯于枝上花瓣扶疎者多落盛開之後漸覺離披遇風雨撼之則飄散滿地矣云云

石湖品類

石湖范成大撰譜并序

山林好事者或以菊比君子其說以爲歲華晚晚艸

木變衰。乃獨燁然秀發。傲睨風露。此幽人逸士之操。雖寂寥荒寒。而味道之腴。不改其樂者也。神農書以菊爲養性上藥。能輕身延年。南陽人飲其潭水。皆壽百歲。使夫人者有爲於當年。醫國庇民。亦猶是而已。菊於君子之道。誠有臭味哉。云云

黃花

勝金黃

一名大金黃。菊以黃爲正。此品最爲豐碩。而加輕盈。花葉微尖。但條梗纖弱。難得團簇。作大本須留意扶植。乃成。

登金黃

一名明州黃又名小金黃花心極小

標棠菊

一名金鯉子花纖穠酷似標棠色深如赤金它花色皆不及蓋奇品也窠株不甚高

金陵

最多

羅黃

狀如小金黃花葉尖瘦如剪羅穀三用花自作一高枝出叢上意度瀟灑

麝香黃

花心豐腴菊短葉密承之格極高勝亦有白者大畧似口佛頂而勝之遠甚吳中此

年始有

千葉小金錢

略似明州疊上整齊

太真黃

花如小金錢加鮮明

單葉小金錢

花心尤大開最早重陽前已爛熳

垂絲菊

花蕊深黃莖極柔細隨風動搖如垂絲海棠

鴛鴦菊

花常相偶葉深碧

金鈴菊

一名荔枝菊華體千葉細瓣簇成小毬如小荔枝枝條長茂可以攪結江東人喜種

之有結為浮圖樓閣高丈餘者予頃北使過赤城其地多菊家家以盆盎遮門悉為鴛鴦鳳亭臺之狀

即此
一種

毬子菊

如金鈴而差小二種相去不遠其大小名字出于栽培肥瘠之別

小金鈴

一名夏菊花如金鈴而極小無大本夏中開

藤菊

花密條柔以長如藤蔓可編作屏障亦名爬菊種之坡上則垂下裊數尺如纓絡尤宜池

潭之

十樣菊

一本開花形模各異或多葉或單葉或大或小或如金鈴往往有六之色以成數通

名之曰十樣衛殿間花甚抗之屬邑有白者

甘菊

下名家菊人家種以供蔬茹凡菊葉皆深綠而厚味極苦或有毛在此葉淡綠柔瑩未微

甘咀嚼香味俱勝擷以作羹及泛茶極有風致天隨子所賦卽此種花差勝野菊甚美本不繁花

野菊

旅生田野及水濱花單葉極瑣細

白花

五月菊

花心極大每一鬚皆中空攢成一團甚二紅白單葉繞承之每枝只一花徑二十葉

似同蒿夏中開近年院體
画艸重喜以此菊寫生

金杯玉盤

中心黃四菊淺白大葉三數層花頭徑三寸菊之大者不過此本出江東比年

稍移栽吳下此與五月菊二品
以其花徑寸特大故列之于前

喜容千葉

花初開微黃花心極小花中色深外微
暈淡然平艷有喜色其併其名久則

變白尤耐封殖可以引長七八尺至
一丈亦可攬結白花中高品也

御衣黃

千葉花初開深鵝黃大畧似喜容而差疎
瘦久則變白

萬鈴菊

中心淡黃飽于陶白花葉繞之花端極大
香尤清烈

蓮花菊

如小白蓮花多葉而無心花頭疎極蕭散清絕一枝只一葩綠葉亦甚纖巧

芙蓉菊

開就者如小木芙蓉左體盛者如樓子菊藥但難培植多不能繁衆

茉莉菊

花葉繁縟全似茉莉綠葉亦似之長犬面闊平

木香菊

多葉略似御衣黃初開淺黃黃久則淡白花葉尖薄盛開則微卷芳氣最烈一名腦

子菊

酴醾菊

細葉稠疊金似酴醾七茉莉差小而圓

艾葉菊

心小葉單綠葉尖長似蓬艾

白麝香

似麝香黃花差小亦豐腴韻勝

白荔枝

與金鈴同但花白耳

銀杏菊

淡白時有微紅花葉尖綠葉全似銀杏葉

波期菊

花頭極大一枝只一葩喜開垂下久則微捲如髮之繁

佛頂菊

亦名佛頭菊中黃心極大四傍白花一層繞之初秋先開白色漸沁微紅

桃花菊

多葉至四五重粉紅色濃淡在桃杏紅梅之間未霜即開最為妍麗中秋後便可賞

以其質如白之受采故附白花

燕脂菊

類桃花菊深紅淺紫比燕脂色尤重比年始有之此品既出桃花菊遂無顏色蓋奇

品也姑附
白花之後

紫菊

一名孩兒菊花如紫葍葉細碎微有菊香或云卽澤蘭也以其與菊同時又常及重九

故附於菊

諸州及禁苑品類

吳人沈競撰譜

洛山朱新仲有菊坡所種各分品目玉盤盂與金鈴菊其花相次又有春菊花小而微紅者有鴛頭菊花不作瓣而爲小簞樣者有枇杷菊葉似枇杷花似金盞銀盤而極大却都不甚香有丁香菊花小而外紫內白者

至今舒州菊多品如蜂兒菊者鵝黃色水晶菊者花面甚大色白而透明又有一種名末利菊者初開花小四瓣如末利旣開花大如錢

潛江品類甚多有鋪茸菊色綠其花甚大光如茸二月間開

今臨安有大笑菊其花白心黃葉如大笑或云卽枇杷菊

賢在長沙見菊亦多品如黃色曰御慶笑厯孩兒黃

蒲堂金小千葉丁香壽安真珠白色曰疊羅衣
毬白餅十月白孩兒白銀大而色紫者曰荔枝
菊又有五月開者

聞他處有所謂十樣菊者一叢之上開花凡十種如
大金錢小金錢金盞銀盤則在在有之

如婺女則有銷金北紫菊紫瓣黃泔銷銀黃菊黃瓣
白泔有乾紅菊花瓣乾紅四泔黃色卽是銷金菊
三菊乃佛頭菊種也

浙間多有荷菊日開一瓣。開足成荷花之形。衆菊未
開。則不開。衆菊已謝。則不謝。又有腦子菊。其香如
腦子。花色黃如小黃菊之類。又有茱萸菊。麝香菊。
水仙菊。水仙者。卽金盞銀臺也。

金陵有松菊。枝葉勁細如松。其花如碎金。層出於密
葉之上。予在豫章嘗見之。

臨安西馬城園子。每歲至重陽。謂之鬪花。各出奇異。
有八十餘種。余不暇悉求。其名有爲余于禁中大

園子得菊品近六十種多與外間同名者姑次之

御袍黃菊

大花頭

御衣黃

小花頭

白佛頭

花早

黃佛頭

花晚

黃新羅

白新羅

戴笑菊

卽大笑菊

橙子菊

薔薇菊

未利菊

檀子菊

花小色黃香如檀子

大金錢

小金錢

金盞銀臺

金盞金臺

明州黃

泰州黃

黃素馨

白素馨

黃木香

白木香

牡丹菊

黃酴醾

白酴醾

大金黃

小金黃

夏菊

花與佛頭一
同五月開

桃花菊

八月開

銷金菊

金鈴菊

蹙線菊

燕脂菊

白喜容

黃喜容

黃笑靨

白笑靨

金井銀欄

金井玉欄

鶯兒菊

棣棠菊

丁香菊

萬鈴菊

蘇州出高枝兒

玉盆菊

鐵腳黃鈴

黑葉兒

輕黃菊

黃纏枝

白纏枝

勝金黃

賽金錢

早紫菊

四月

早蓮菊

團圓菊

柳條菊

枝亭菊

枝梗甚長用杖子
撐即簾菊一丈黃

鞍子菊

雙心兒牽長

碧蟬菊

青色

鉞兒菊

一種紫梗開早
一種青梗開晚

越中品類

山陰菊隱史籍撰譜
之次第所排近似失序
此蓋粗以

形色之高下而為列非徒徇名而已比之前
後二目不同凡菊之開其形色有三節不
同謂始中末也今譜中所紀多紀其盛開之
時

黃色

勝金黃

花頭大過折二錢明黃瓣青黃心瓣有五
六層花片比大金黃差小上有細脉枝杪

凡三四花一枝之中有少從葉
顏色鮮明玩之能快人心目

大金錢

闊遲大僅及折二心瓣明黃一色其瓣
五層此花不獨生于枝頭乃與葉層七相

間而生香色
與態度皆勝

金絲菊

花頭大過折二深黃細瓣凡五層一簇黃
心甚小與瓣一色顏色可變名為金絲者

以其花辨頭然起紋絡也
十月方開此花根葉極壯

小金黃

花頭大如折二心瓣黃皆一色開未多日
其瓣鱗上六層而細態度秀麗經多日則

同上短瓣亦長至于整七而終不止六層蓋為狀
先後不同也如此

客友菊

花頭大過折三朋黃闊片花瓣形色不在
諸品之下初開時長短不齊開及其盛乃

齊至于六層其中如抽芽數條短七小心與瓣為
一色狀如春間黃客友花窠株派矮綠葉最繁密

見霜則周圍
葉綠變紫色

橙菊

亦名金毬菊 此品花辨與諸菊絕異含蕊
之時狀如粉團菊黃色不甚深其瓣成箭排

堅生于萼上後乃開作小片如要至于成團窠辨
之下又有紋裙一層承之亦猶橙皮之升包也其

中無心 愚齋云據愚視之橙黃菊與
匪菊必是一種但橙小粉大及色異耳

大金黃

花頭大如折三錢心瓣黃皆一色其瓣五
六層花片亦大一枝之杪多獨生一花枝

上更無從紫綠葉
亦大其梗濃紫色

側金盞

此品類大金黃其大過之有及一寸八分
者瓣有四層皆整齊花片亦闊大明黃色

深黃心一枝之杪獨生一花枝中更無從紫名以
側金盞者以其花大而重欹側而生也 綠葉亦

大其梗
淡紫

小金錢

開早 大千小錢明黃瓣深黃心其瓣齊
齊三層花瓣展其心則舒而為筒

御愛黃

花頭大如小錢淡黃色其狀與御袍黃相
類但此花瓣頗細凡五六層向上二三層

黃色鮮明向下層淺色帶微白層上鱗次
不齊心乃明黃色其細小料十餘縷耳

御袍黃

花頭大如小錢淡黃色其狀略觀之與御
愛黃相類但此花瓣頗闊凡五層上下層
層稍齊心乃深黃色比之御愛黃細視則不同況
此心又有大小之別

黃佛頭

花頭不及小錢明黃色狀如金鈴菊中外
不辨心瓣但見混同純是碎葉突起甚高
又如白佛頭
菊之黃心也

九日黃

大如小錢黃瓣黃心心帶微青瓣有三層
狀類小金錢但此花開在金錢之前也開
時或有不甚盛者惟地土得
宜方盛綠葉甚小枝梗細瘦

黃寒菊

花頭大如小錢心瓣皆深黃色瓣有五層
甚細開至多日心與瓣并而為一不止五

層重數甚多聳突而高其香與態度皆可愛狀如金鈴菊差大耳

荔枝菊

花頭大于小錢明黃細瓣層層鱗次不齊中央無心瓣乃簇上末展小葉至開遍凡十餘層其形頗圓故名荔枝菊此香清甚姚江士友云其花黃狀似楊梅

茱萸菊

末利菊

花頭巧小淡上黃色一蓋只十五六瓣或至二十片一點綠心其狀似末利花不類諸菊葉即菊也每枝條之上抽出十餘層小枝枝皆簇上有藍

艾菊

金鈴菊

花頭甚小如鈴之圓深黃一色其餘之長與人等或言有高近一丈者可以上竿亦

可嗜結為塔故又名塔子菊一枝之上花與葉層層相間有之不獨生于枝頭綠葉尖長七出凡菊葉多五出例皆不該

甘菊

陶隱居云菊有兩種一種莖紫氣香而味甘一種青莖作蒿艾氣而味苦曰華子亦云菊

有兩種花大氣香莖紫者為甘菊花小氣烈莖青者為野菊楊損之云甘者入藥苦者不任史氏諸云甘菊色深黃野菊枝柯細瘦劉氏謂云甘菊深黃單葉間巷人能識之固不待記而知竊謂古菊陶淵明等採于東籬泛于酒竿疑皆今之甘菊也今據本艸諸書所載二者較然可見矣

滴滴金

夏菊也花頭巧小或有如折二大者蓋所產之地不同也花瓣最細凡二三層明

黃色心乃深黃中有一點微綠自六月開至八月俗說遍地生苗者由花稍頭露水滴而出也故名

潘七金予嘗與好事者斷地驗其根其根

野菊

亦有三兩種花頭甚小單層心與瓣皆剛黃色枝莖極細多依倚他草木而長別有一

種其花初開心如旱蓮草開至淡日則旋吐出蜂
鬚周圍蒙茸然如蓮花須之狀枝莖頗大綠葉五
出吾鄉能仁寺側
府城牆上最多

白色

九華菊

此品乃淵明所賞之菊也今越俗多呼爲
大笑其瓣兩層者本日九華白瓣黃心花

頭極大有闊及二寸四五分者其態異常爲白色
之冠香亦清勝枝葉疎散九月半方開皆淵明嘗
言秋菊盈園其詩集中
僅存九華之一名

今以重瓣大笑爲九幸此得於諸士友之說凡陸下
率皆不知若姚江士夫又稱九華爲大佛頂或謂
九華綠葉與諸菊葉不相類疑非菊之正品然愚嘗
觀本草圖經所画鄧州菊衡州菊此二名品亦皆是
混淨之葉未見其有出稜角者且古人別菊惟在於
臭味豈拘拘論其葉哉

大笑菊

白瓣黃心本與九華同種其單層者爲大
笑花頭差小不及兩層者之大其葉類栗

木葉亦名
栗葉菊

佛頂菊

大過折二或如折三單層白瓣突起

終寒天後突起甚高又且最大枝幹堅粗葉亦厚又各佛頭菊一種每枝多直生上只一花少

有菊出枝一種每一枝頭

淮南菊

先得一種白瓣黃心瓣有四層上層抱心

頭一族六七花後又得一種淡白瓣淡黃心顏色不相染惹瓣有四層一枝攢聚六七花其枝抄六花如六面仗鼓相抵然惟中央一花大于折三餘者稍小予祝之疑非一種園丁乃言所產之地力有不同也大率此花自十月開過見霜則變淡紫色帶黃色中節變白至十月開過見霜則變淡紫色且初開之瓣只見四層開至多日乃至六七層花頭亦加大焉

餘醵菊

木香菊

大過小錢白瓣淡黃心瓣有三四層頗細狀如春架中木香花又如初開纏枝白但此花頭舒展稍平坦耳亦有黃色者

粉團菊

亦名玉毬菊此品與諸菊絕異含蕊之時淺黃色又帶微青花瓣成筍排墜生于

莖上其中央初看一似無心狀如橙菊盛開則變作一團純白色其形甚圓其香頗烈至白瓣潤滑方見瓣下有如心者甚大其白瓣皆匝匝出于上也經霜則變紫色尤佳綠葉甚粗其梗亦弱

玉甌菊

或云甌子菊即纏枝白菊也其開層數多者以其花瓣環拱如甌蓋之衆也三

十月經霜則變紫色

金盞銀臺

大如折二此以形色而屬名也惟初開似之爛開則其狀輒變

寒菊

大過小錢短白瓣開多日其瓣方增長明黃心土乃攢聚碎葉矢起頗高枝條柔細十月

方開

徘徊菊

淡白瓣黃心色帶微綠瓣有四層初開時先吐瓣三四片只開就一邊未及其餘開

至旬日方及周徧花頭乃見圍圓按字書徘徊爲不進此花之開亦若是矣其名不妄十月初方開或有一枝花頭多者至攢聚五六顆近似淮南菊

銀盞菊

白瓣二層黃心突起頗高花頭或大或小不同想因其地有肥瘠之故也

輪盤菊

紅色

桃花菊

又名十三

紅菊花瓣如桃花粉紅色一蓋凡

心黃色內帶微紅開時長短不齊經多日乃齊其
知有香至中秋便開上至十餘日漸變為白色或
生青虫食其花片則衰
矣其綠葉甚細小

繡菊

石菊

即古之大菊也花瓣五出有紫色者有深紅
色者有深紅粉綠者各有種也其莖長而小

其莖有節其葉亦頗類竹故又名石竹諸色皆自
五月而開惟紫色者開至八九月方衰或云石菊
結實為蓬麥恩按爾雅云大菊蓬麥也本草云瞿
麥一名大菊陶隱居士一莖生細葉花紅紫赤可

愛子頗似麥日華子云又名石竹本草
泰山及淮甸今處有之苗高一尺以來
二月至五月開七月
結實頗似麥故名之

予以本土所產石菊參照爾雅本草所言大菊之形
色固相似矣然本土所產者初未審有實無實爲疑
遂問諸老圃皆云未嘗有結實者至甲辰八月予于
僧舍見紫色一種就摘花瓣脫盡一殘萼撚破驗其
子之有無其中果有一粒如細麥者存焉粒中仍有
如插之一痕易爲辨認次以摘花瓣未脫者一萼亦

撚破驗之其中所存者與前一同陶隱居又云立秋
採實實中子至細故予今撚破其萼以視實復撚破
其實以視中有何物果見有如鰕子者細不可數也
予初爲老圃所惑故詳記之按劉蒙說疑曰瞿麥爲
大菊此乃妄濫竊名者皆所不取愚齋亦云此品石
菊初以其花與薔比之諸品不同且顏色天冶兼乏
芬馥清致當以格外菊處之亦列此名于濫號品中
後考結寔有據乃知卽古之大菊也竊以爾雅本草

既載其名其來也遠以是論之非所宜輕於是陞
正品紅色之後云

濫號

孩兒菊

白瓣黃心其狀與諸菊迥然不同自七月開至九月其葉甚纖按劉氏譜其後叙遺

乃言孩兒菊粉紅色如此則此越中所有者不同也按史氏譜入此于紅紫品中愚今以本土所出者品格最下兼之無香可取故降于是也或言此花與葉既不類菊而世俗皆呼爲孩兒菊者何也予意其名以孩兒者爲品卑微之謂也呼以爲菊者敷衍能久之謂也或謂此花本名鶯兒菊

假名

春菊

蒿菜花是也三月未開花頭大及二寸金彩鮮明不減于菊東嶽社會日人取以粧花棚

花籃即此物也

紫菊

馬蘭花是也八九月開大觀本草云生澤傍北人見其花呼為紫菊以其花似菊而紫也

王岑先生汪擇善詩集又以旱蓮亦名紫菊有詩一篇愚竊謂此二花其物性不同以馬蘭花為菊而馬蘭亦有療疾之功使其名益著可也以旱蓮為菊胡不知有害人之毒熟其名可也

觀音菊

天竺花是也此非南天竺或呼為落帚花亦非也落帚別是一種自五月間至七月

花頭細小其色純紫枝葉如嫩柳其餘之長與人等或呼為觀音菊蓋取錢塘有天竺觀音之義也

繡線菊

厭州花是也花頭碎紫成簇而生心片吐出素縷如線之大自然夏至秋有之俗呼為

厭州花或云若人帶此花賄博則獲其勝故名之古有厭勝法

列諸譜外之菊一十名

愚皆記其所得之自

今盡類入卷首之品

兀華菊

見靖節先生集此一品今新入越譜

凌風菊

黃色見山谷詩

柑子菊

黃色見陳後山詩

楊妃裙

黃色見徐仲車詩

璫梅菊

凡間人善言菊鄉公暇集

朝夭菊

見洪氏瓊野錄

珠子菊

白色見本草註云南京有一種開小花
辨下如小珠子

丹菊

凡初學記稱含菊銘云煌煌丹菊暮秋彌榮

鷺鷥菊

士友云嚴州多菊此品嚴州有之花如茸
毛純白色中心有一叢簇起如鷺鷥頭

襄陽紅

士友云並蒂雙頭亦一種菊也九江彭澤
有之

今榮王府

皇弟大王居邸之側有園曰愛圃池曰瑤沼皆賜
御書爲扁如園內異菊尤爲不少但未得其名今姑
門其左當俟他日列之

芍藥譜

江都王觀著

天地之功至大而神非人力之所能竊勝惟聖人惟
能體法其神以成天下之化其功蓋出其下而曾不
少加以力不然天地固亦有間而可窮其用矣予嘗

論天下之物悉受天地之氣以生其小大短長辛酸
甘苦與夫顏色之異計非人力之可容致巧於其間
也今洛陽之牡丹維陽之芍藥受天地之氣以生而
小大淺深一隨人力之工拙而移其天地所生之性
故奇容異色間出于人間以人而盜天地之功而成
之良可怪也然而天地之間事之紛紜出于其前不
得而曉者此其一也洛陽土風之詳已見于今歐陽
公之記而此不復論維揚太抵土壤肥膩於草木為

宜禹貢曰厥草惟夭是也居人以治花相尚方九月
十月時悉出其根滌以甘泉然後剝削老硬病腐之
處揀調沙糞以培之易其故土凡花大約三年或二
年一分不分則舊根老硬而侵蝕新芽故花不成就
分之數則小而不舒不分與分之太數皆花之病也
花之顏色之深淺與葉蕊之繁盛皆出于培壅剝削
之力花旣萎落亟剪去其子屈盤枝條使不離散故
脉理不上行而皆歸于根明年新花繁而色潤澤花

根窠多不能致遠惟芍藥及時取根盡取本土貯以竹席之器雖數千里之遠一人可負數百本而不勞至于他州則壠以沙糞雖不及維揚之盛而顏色亦非他州所有者比也亦有踰年卽變而不成者此亦係夫土地之宜不宜而人力之至不至也花品舊時龍興寺山子羅漢觀音彌陀之四院冠於此州其後民間稍稍厚賂以勾其本壠培治事遂過於龍興之四院今則有朱氏之園最爲冠絕南北二圃所種幾

於五六萬株意其自古種花之盛未乏有也朱氏當
其花之盛開飾亭宇以待來游者逾月不絕而朱氏
未嘗厭也揚之人與西洛不異無貴賤皆喜戴花故
開明橋之間方春之月拂旦有花市焉州宅舊有芍
藥廳在都廳之後聚一州絕品於其中不下龍興朱
氏之盛往歲州將召移新守未至監護不密悉爲人
盜去易以凡品自是芍藥廳徒有其名爾今芍藥有
三十四品舊譜只取三十一種如緋單葉白單葉紅

單葉不入名品之內其花皆六出維揚之人甚賤之
余自熙寧八年季冬守官江都所見與夫所聞莫不
詳熟又得八品焉非平日三十一品之比皆世之所
難得今悉列于左舊譜三十一品分上中下七等此
前人所定今更下易

上之上

冠群芳

大旋心冠子也深紅堆葉頂分四五葉其英密簇

可及半尺高可及六寸艷色絕妙可冠群芳
之枝條硬葉疎大

賽群芳

小旋心冠子也漸添紅而聚小枝條及綠葉莊與大
旋心一同凡品中言大葉小葉堆葉者皆化葉也言
綠葉者謂枝葉也

寶粧成

冠也色微紫于上十二大葉中密生曲葉回環裹

抱團圓其高八九寸廣半尺餘每小小葉上絡以金線綴以玉珠香欺蘭麝奇不可紀枝條硬而葉平

盡天工

柳浦青心紅冠子也於大葉中小葉密直妖媚出衆儼非造化無能爲也枝硬而綠葉青薄

曉粧新

白纈子也如小旋心狀頂上四向葉端點小股紅色每一朵上或三點或四點或五點象衣中之點纈也

絲葉其葉而厚條硬而絕伍

點粧紅

紅纈子也色紅而小並與白纈子同綠葉微似瘦長

上之下

疊香英

紫樓子也廣五寸高盈尺於大葉中細葉二三十重
上又聳大葉如樓閣狀枝條硬而高綠葉疎大而尖

桑

積嬌紅

紅樓子也色淡紅與紫樓子不相異

中之上

醉西施

大軟條冠子也色淡紅惟大葉有類大旋心狀枝條
軟細漸以物扶助之綠葉色深厚疎而長以柔

道粧成

黃樓子也大葉中深黃小葉數重又土展淡黃大葉

枝條碩而絕黃綠葉疎長而柔與紅紫稍異此品非
今日小黃樓子也乃黃絲頭中盛則或出四五大葉
蓋本非黃樓子也

菊香瓊

青心玉板魁子也本自茅山來白英團掬堅密平頭
枝條硬而綠葉光且光

茅絳錢

魁莖茅山冠子也初開粉紅卽漸退白青心而素淡

稍若夫軟條冠子綠葉短厚而硬

試梅粧

自冠子也白額中無點額者是也

淡粧勻

粉紅冠子也是紅額中無點額者也

中之下

醉嬌紅

深紅楚州冠子也亦若小旋心狀中心則堆大葉葉

下亦有一重金線枝條高綠葉疎而柔

擬香英

紫寶相冠子也紫樓子心中細葉上不堆大葉者

妬嬌紅

紅寶相冠子也紅樓子心中細葉上不堆大葉者

縷金囊

金線冠子也稍似細條深紅者於大葉中細葉下抽

金線細細相雜條葉並同深紅冠子者

下之上

怨春紅

硬條冠子也色絕淡甚類金線冠子而推葉條硬而
綠葉疎平稍若桑

妬鵲黃

黃絲頭也於大葉中一簇細葉雜以金線條高絲葉
疎柔

蘸金香

蘸金蕊紫單葉也是髻子開不成者於大葉中從小
葉小葉尖蘸一線金色是也

試濃粧

緋多葉也緋葉五七重皆平頭條赤而綠葉硬皆紫
色

下之中

宿粧殷

紫高多葉也條葉花並類緋多葉而枝葉絕高平頭

凡檻中雖多無先後開並齊整也

取次粧

淡紅多葉也色絕淡條葉正類緋多葉亦平頭也

聚香絲

紫絲頭也大葉中一叢紫絲細細是也枝條高絲葉疎而柔

簇紅絲

紅絲頭也大葉中一簇紅絲細細是也枝葉並同紫

并

下之下

效殷鑑

小矮多葉也。葉葉高多葉一同而枝條低。隨燥濕而出。有三頭者。雙頭者。鞍子者。銀絲者。俱同根而土地肥瘠之異者也。

會三英

三頭聚一莖而開

合歡芳

雙頭並蒂而開二朶相背也

擬繡韉

鞍子也兩邊垂下如所乘鞍狀地絕肥而生

銀含稜

銀緣也葉端一稜白色

新妝八品

御衣黃

黃色淺而葉疎莖差深散出于葉間其葉端色又明
碧高廣類黃樓子也此種宜升絕品

黃樓子

盛者五七層間以金線其香尤甚

袁黃冠子

宛如髻子間以金線色比鮑黃

峽石黃冠子

如金線冠子其色深如鮑黃

鮑黃冠子

大抵與大旋心同而葉差不旋色類蒼黃

楊花冠子

多葉白心色黃漸拂淺紅至葉端則色深紅間以全線

湖纈

紅色深淺相雜類湖纈

鼉池紅

開須並募或三頭者大抵花類軟條也

後論

維揚東南一都會也自古號爲繁盛自唐末亂離群
雄據有數經戰焚故遺基廢迹往往蕪沒而不可見
今天下一統井邑田野雖不及古之繁盛而人皆安
生樂業不知有兵革之患民間及春之月惟以治花
木飾亭榭以往來遊樂爲事其幸矣哉揚之芍藥甲
天下其盛不知起于何代觀其今日之盛古想亦不

減於此矣或者以謂自有唐若張祐杜牧盧仝崔沔
章孝標李嶠王播皆一時名士而工于詩者也或觀
于此或遊于此不爲不久而略無一言一句以及芍
藥意其古未有之始盛於今未爲通論也海棠之盛
莫甚于西蜀而杜子美詩名又重於張祐諸公在蜀
口久其詩僅數千篇而未嘗一言及海棠之盛張祐
輩詩之不及芍藥不足疑也芍藥三十一品乃前人
之所次余不敢輒易後八品乃得于民間而竄佳者

然花之名品時或變易又安知止此八品而已哉後
將有出茲八品之外者余不得而知當俟來者以補
之也

牡丹記

宋廬陵歐陽脩述

第一

牡丹出丹州延州山青州南亦出越州而出洛陽
者今爲天下第一洛陽所謂丹州花延州紅青州紅

者皆彼土之尤傑者然洛陽纔得備衆花之一種
列第不出三已下不能獨立與洛花敵而越之花以
遠罕識不見齒然雖越人亦不敢自譽以與洛陽爭
高下是洛陽者是天下之第一也洛陽亦有黃芍藥
緋桃瑞蓮千葉李紅郁李之類皆不減他出者而洛
陽人不甚惜謂之果子花曰某花

云云

至牡丹則不

名直曰花其意謂天下真花獨牡丹其名之著不假
曰牡丹而可知也其愛重之如此說者多言洛陽於

三河間古善地。昔周公以尺寸考日出沒。知寒風雨。乖與順於此。此蓋天地之中。艸木之華。得中氣之和者多。故獨與他方異。予甚以爲不然。夫洛陽於周所有之土。四方入貢道里均。乃九州之中。在天地崑崙旁礴之間。未必中也。又況天地之和氣。宜遍四方。上下不宜限其中。以自私夫。中與和者。有常之氣。其推於物也。亦宜爲有常之形。物之常者。不甚美。亦不甚惡。及元氣之病也。美惡隔并而不相和。入故物。

有極美與極惡者。皆得於氣之偏也。花之鍾其美與夫癭木擁腫之鍾其惡醜好。雖異而得一氣之偏。病則均。洛陽城圍數十里。而諸縣之花莫及城中者。出其境則不可植焉。豈又偏氣之美者獨聚此數十里之地乎。此又天地之大不可考也已。凡物不當有。而爲害乎人者。曰災。不常有。而徒可怪駭。不爲害者。曰妖。語曰。天反時爲災。地反物爲妖。此亦草木之妖。而萬物之一怪也。然比夫癭木擁腫者。竊獨鍾其美而

見幸於人焉。余在洛陽四見春天。聖九年三月始至洛。其至也晚。見其晚者。明年會與友人梅聖俞游嵩山。少室緱氏嶺。石唐山紫雲洞。既還不及見。又明年有悼亡之戚。不暇見。又明年以留守推官歲滿解去。只見其早者。是未嘗見其極盛時。然目之所矚。已不勝其麗焉。余居府中時。嘗謂錢思公於雙桂樓下。見一小屏立坐後。細書字滿其上。思公指之曰。欲作花品。此是牡丹名凡九十餘種。余時不暇讀之。然余所

經見。而今人多稱者。纔三十餘種。不知思公何從而得之多也。計其餘雖有名而不著。未必佳也。故今所錄但取其特著者。而次第之。

姚黃

魏花

鞞紅

亦曰青州紅

牛家黃

潛溪緋

左花

猷來紅

葉底紫

鶴翎紅

添色紅

細葉壽安

倒暈檀心

朱砂紅

九蕊真珠

延州紅

多葉紫

麤葉壽安

丹州紅

蓮花萼

一百五

鹿胎花

甘草黃

一撒紅

玉板白

花釋名第二

牡丹之名或以氏或以州或以地或以色或旌其所
異者而志之姚黃左花魏花以姓著青州丹州延州
紅以州著細葉麝葉壽安潛溪緋以地著一撒紅鶴
翎紅朱砂紅玉板白多葉紫甘草黃以色著獻來紅
添色紅九葉真珠鹿胎花倒暈檀心蓮花萼一百五
葉底紫皆志其異者

姚黃者千葉黃花出於民姚氏家此花之出於今未
十年姚氏居白司馬坡其地屬河陽然花不傳河陽

種洛陽洛陽亦不甚多一歲不過數朵

牛黃亦千葉出於民牛氏家此姚黃差小

真宗祀汾陰遣過洛陽留宴淑景亭牛氏獻此花名

七
遂著

甘草黃單葉色如甘草洛人善別花見其樹知爲某
花云獨姚黃易識其葉嚼之不腥

韞紅者單葉深紅花出青州亦曰青州紅故張僕射
齊賢有第西京賸相坊自青州以駝駝馱其種遂傳

洛中其色類腰帶鞞謂之鞞紅

獻來紅者大多葉淺紅花張僕射罷相居洛陽人有
獻此花者因曰獻來紅

添色紅者多葉花始開而白經日漸紅至其落乃類
深紅此造化之尤巧者

鶴翎紅者多葉花其末白而本肉紅如鴻鵠羽色

細葉簷葉壽安者皆千葉肉紅花出壽安縣錦屏山
中細葉者尤佳

倒置檀心者多葉紅花凡花近萼色深至其末漸淡此花自外深色近萼反淺白而深檀點其心此尤可愛

一撒紅者多葉淺紅花葉杪深紅一點如人以二指撒之

九葉真珠紅者千葉紅花葉上有一白點如珠而葉密感其葉焉

一百五者多葉白花洛花以穀雨爲開候而此花常

至一百五日開最先

丹州延州花者皆千葉紅花不知其至洛之因

蓮花萼者多葉紅花青趺三重如蓮花萼

左花者千葉紫花葉密而齊如截亦謂之平頭紫

朱砂紅者多葉紅花不知其所出有民門氏子善接

花以爲生買地於崇德寺前治花園有此花洛陽豪

家尚未有故其名未甚著花葉甚鮮向日視之如猩

血

葉底紫者紫葉紫花其色如墨亦謂之墨紫花
中有一枝引葉覆其上其開也比他花可延
十日之久噫造物者亦惜之耶此花之出比他花最
遠傳云唐末有中官爲觀軍容使者花出其家亦謂
之軍容紫歲久失其姓氏矣

玉板白者單葉由花葉細長如拍板其色如玉而深
檀心洛陽人家亦少有余嘗從愚公至福嚴院見之
問寺僧而得其緒其後未嘗見也

潛溪緋者千葉緋花出於潛溪寺寺在龍門山後本
唐相李藩別墅今寺中已無此花而人家或有之本
是紫花忽於叢中特出緋者不過一二朶明年移在
他枝洛人謂之轉紫枝花故其接頭尤難得

鹿胎花者多葉紫花有白點如鹿胎之紋故蘓相馬
宅今有之

多葉紫本知其所出初姚黃未出時牛黃爲第一
黃未出時魏花爲第一魏花未出時左花爲第一

花之類惟有蘇家紅賀家紅林家紅之類皆單葉花
當時爲第一自多葉千葉花出後此花黜矣今人不
復種也牡丹初不載文字惟以藥載本草然於花中
不爲高第大抵丹延巴西及褒斜道中尤多與荆棘
無異土人皆取以爲薪自唐則天已後洛陽牡丹始
盛然未聞有以名著者如沈宋元白之流皆善詠花
艸計有若今之異者彼必形於篇詠而寂無傳焉唯
劉夢得有詠魚朝恩宅牡丹詩云但云一葉千萬朵

而已亦不云其美且異也謝靈運言永嘉竹間水際多
牡丹今越花不及洛陽甚遠是洛花自古未有若今
之盛也

風俗記第三

洛陽之俗大抵好花春時城中無貴賤皆插花雖負
擔者亦然花開時士庶競爲遊遨往往於古寺廢宅
有池臺處爲市井張握帶笙歌之聲相聞最盛於月
陂堤張家園棠棣坊長壽寺東街與郭令宅至花茲

乃罷洛陽至東京六驛舊不進花自今徐州李相
爲留守時始進 御歲遣牙校一員乘驛男一日一
夕至京師所進不過姚黃魏花三數朵以菜葉實竹
籠子藉覆之使馬上不動搖以蠟封花蒂乃數日不
落大抵洛人家家有花而少大樹者蓋其不接則不
佳春初時洛人以壽安山中斲小栽子賣城中謂之
山篋子人家治地爲畦腴種之至秋乃接接花工尤
著者一人謂之門園子豪家無不邀之姚黃一接頭

直錢五千秋時立券買之至春見花乃歸其直洛人甚惜此花不欲傳有權貴求其接頭者或以湯中黠殺與之魏花初出時接頭亦值錢五千今尚直一千接時須用社後重陽前過此不堪矣花之木去地五七寸許截之乃接以泥封裏用軟土擁之以翦葉作庵子罩之不令見風日惟南向留一小戶以達氣至春乃去其覆此接花之法也

用瓦亦可

種花必擇善地盡

去舊土以細土用白欽末一斤和之蓋牡丹根甜多

引蟲食白歛能殺蟲此種花之法也。澆花亦自有時
或用日未出或日西時九月旬日一澆十月十一月
三日二日一澆正月隔日一澆二月一日一澆此澆
花之法也。一本發數朶者擇其小者去之只留一二
朶謂之打剝懼分其脉也。花纔落便剪其枝勿令結
子懼其易老也。春初旣去翦庵便以棘數枝置花叢
上棘氣暖可以辟霜不損花芽他大樹亦然此養花
之法也。花開漸小於舊者蓋有蠹虫損之必尋其穴

以硫黃簪之其旁又有小穴如鍼孔乃虫所藏處花
工謂之氣窓以大鍼點硫黃末鍼之虫乃死花復盛
此鑿花之法也烏賊魚骨用以鍼花樹入其膚花輒
死此花之忌也